

醫學三字經

卷一
二


西學三字經小引

童子入學。塾師先授以三字經。欲其便誦也。識途也。學
問之始。未定先授何書。如大海茫茫。錯認半字。羅經便
入牛鬼蛇神之域。余所以有三字經之刻也。前曾托名
葉天士。取時俗所推崇者。以投時好。然書中之奧旨。悉
本聖經。經明而專家之技可廢。謝退谷於注韓書室。得
諸本。惠書千餘言。屬歸本名。幸有同志。今付梓而從其
正。而仍名經。而不以爲僭者。採集經文。還之先聖。海內
諸君子。可因此一字。而共知所遵。且可因此一字。而不

余之作。禧慶九年歲次甲子人。日陳念祖自題於南

華堂

...



醫學三字經目錄

卷一

源流

中風

虛勞

咳嗽

瘧疾

痢疾

心痛

腹痛

胸痺

噎食

反胃

氣喘

血症

水腫

脹滿

卷二

蟲脹

暑症

泄瀉

眩暈

嘔吐
逆噦呢

癰

狂

癰

五淋

癰閉

渴病

遺精

疝氣

痰飲

消渴

傷寒

瘟疫

婦人

小兒

卷三

藥方

卷四

藥方

陰陽

識一字便可爲師說

臟腑

十二官

心說

肝說

脾說

肺說

腎說

胃說

膽說

醫學三字經卷一

閩吳航陳念祖修園著

成都龍萬育變堂訂梓

醫學源流第一

醫之始

本岐黃

黃黃帝也。岐岐伯也。君臣問答以明經絡藏府運氣治療之原所以爲醫之祖。雖神農本經在黃帝之前而神明用藥之理仍始於內經也。

靈作樞

素問詳

靈樞九卷素問九卷通謂之內經。漢書藝文志載黃帝內經十八篇是也。醫門此書卽業儒之五經也。

難經出更洋洋

洋洋盛大也。難經八十一章。多闡發內經之旨。以補內經所未言。即間有與內經不合者。其時去古未遠。別有考據也。○秦越人號扁鵲。戰國人也。著難經。

越漢季有南陽

張機字仲景居南陽官長沙漢人也著傷寒難病論金匱玉函經

六經辨聖道彰

內經詳於鍼灸至伊尹有湯液治病之法扁鵲倉公因之仲師出而雜病傷寒尚以方藥為治其方俱原本於神農黃帝相傳之經方而集其大成

傷寒著金匱藏

王肯堂謂傷寒論義理如神龍出沒首尾相顧鱗甲森然。○金匱玉函示寶貴秘藏之意也其方非南陽所自造乃上古聖人相傳之方所謂經方是也其藥悉本於神農本草經非此方不能治此病非此藥不能成此方所投必效如桴鼓之相應。

垂方法

立津梁。

仲師醫中之聖人也儒者不能含至聖之書而求道醫者豈能外仲師之書以治療。

李唐後

有千金。

唐孫思邈華原人隱居太白山著千金方千金翼方各三十卷宋仁宗命高保衡林億校正後列禁經二卷今本分爲九十三卷較金匱雖有浮泛編雜之處而用意之奇用藥之巧亦自成一家。

外臺繼

重醫林。

唐士燾著外臺秘要四十卷。分一千一百四門。論宗策氏方多秘傳。爲醫門之類書。

後作者。漸浸淫。

等而下之。不足觀也已。

紅紫色。鄭衛音。

間色亂正。靡音忘倦。

迫東垣。重脾胃。

金李杲字明之。號東垣老人。生於世宗大定二十年。金亡入元。十七年乃終。年七十二。舊本亦題元人作。脾胃論。辨惑論。蘭室秘藏。後人附以諸家合刻。有東垣十書傳世。

溫燥行。升清氣。

如補中益氣及升陽散火之法如蒼朮白朮羌活獨活木香陳皮葛根之類最喜用之

雖未醇

亦足貴

人謂東垣用藥如韓信將兵多多益善然駭雜之處不可不知惟以脾胃為重故亦可取

若河間

專主火

金劉完素字守真河間人。事蹟俱詳金史。方技傳。主火之說始自河間。

遵之經

斷曰我

原病式十九條俱本內經至真要大論多以火立論而不能參透經旨如火之平氣曰升明火之太過曰赫曦火之不及曰伏明其虛實之辨若木炭之反也

一方

奇而妥

如六一散防風通聖散之類皆奇而不離於正也

丹溪出

罕與傳

元朱震亨字彥修號丹溪金華人其立方視諸家頗高一格

陰宜補

陽勿浮

丹溪心法以補陰為主謂陽常有餘陰常不足諸家俱辨其非以人得天地之氣以生有生之氣即是陽氣陰血皆其化生也

難病法

四字求

謂氣血痰鬱是也一切難病只以此四字求之氣用四君子湯血用四物湯痰用二陳湯鬱用越鞠湯參差互用各盡其妙

若子和

王攻破

張子和戴人書中所主多大黃芒硝牽牛芫花大戟
甘遂之類意在驅邪邪去則正安不可畏攻而養病

中病良

勿太過

子和之法實症自不可廢然亦宜中病而卽
止若太過則元氣隨邪氣而俱散挽無及矣

四大家

聲名噪

劉河間張子和李東垣朱丹溪爲金
元四大家張氏醫通之考核不誤。

必讀書

錯名號

李士材醫宗必讀四大家論以張爲張仲景
誤也仲景爲醫中之聖三子豈可與之並論。

明以後

須酌量

言醫書充棟汗牛。可以博覽之以
廣見識。非謂諸家所著皆善本也。

詳而備。

王肯堂

金壇王字泰。諱肯堂。著症治準繩。
雖無所採擇。亦醫林之備考也。

薛氏按。

說騎牆。

明薛已。號立齋。吳縣人。著薛氏醫按十六種。大抵以
四君十六君子逍遙散歸脾湯六八味丸主治。語多
騎牆。

士材說。

守其常。

李中梓。號士材。國朝人也。著醫宗必讀。士材
三書。雖曰淺率。却是守黃初學者所不廢也。

不出出。

著新方。

明張介賓。字會卿。號景岳。山陰人。著類經質疑錄。金
書所用之方。不外勅方八陣。其實不足以名方。古聖
人明造化之機。探陰陽之本。製出一方。非可以思議
及者。苦僅以熟地補陰。人參補陽。薑附祛寒。芩連除
熱。隨拈幾味。皆可名方。何必定為某方乎。

石頑續。

溫補鄉。

張璐。字路玉。號石頑。國朝人也。著
醫通立論。多本景岳。以溫補為主。

獻可論。

合二張。

明寧波趙獻可。號養葵。著醫貫。大旨重
於命門。與張石頑張景岳之法相同。

診脈法。

瀕湖昂。

明李時珍。字東璧。號瀕湖。著本草綱目五十二卷。雜
收諸說。反亂神農本經之旨。卷末刻脈學頗佳。今醫

多宗之。

數子者。

各一長。

知其所長。擇而從之。

揆諸古。

亦荒唐。

理不本於內經。法未熟乎仲景。縱有偶中。亦非不易矩矱。

長沙室。

尚傍徨。

數子雖曰私淑長沙。升堂有人。而入室者少矣。

惟韻伯。

能憲章。

慈谿柯琴。字韻伯。國朝大著傷寒論註。論翼大有功於仲景。而內經之古。賴之以彰。

徐光著。

本喻昌。

徐彰。號忠可。尤怡。號在涇。二公金匱之注。俱本喻昌言。故嘉言名昌。江西南昌人。崇禎中。以選舉入都。卒無所就。遂專務於醫。著尚論篇。主張太過。而醫門法律。頗能闡發金匱之秘旨。

大作者。

推錢塘。

張志聰。號隱菴。高世拭。號士宗。俱浙江錢塘人也。國朝康熙間。二公同時學醫。與時不合。遂閉門著書。以爲傳道之託。所注內經。本草經。傷寒論。金匱等書。各出手眼。以發前人所未發。爲漢後第一書。今醫畏其難。而不敢談及。

取法上。

得慈航。

取法乎上。僅得其中。切不可。以醫方集解。本草備要。醫宗必讀。萬病回春。本草綱目。東醫寶鑑。馮氏錦囊。

景岳全書薛氏醫按等書。為捷徑也。今之醫輩。於此書並未寓目。止取數十種庸陋之方。冀圖倖中。更不足論也。

中風第二

人百病。

首中風。

內經云。風為百病之長也。昔醫云中。賊多滯九竅。有唇緩。失音。耳聾。目瞽。鼻塞。便難之症。中滿多着四肢。中經則口眼喎斜。中血脉則半身不遂。

驟然得。

八方通。

中風病。驟然昏倒。不省人事。或痰湧掣搐偏枯等症。八方者。謂東西南北東北西北東南西南也。

閉與脫。

大不同。